

四庫全書

集部

欽定四庫全書

文苑英華卷一百六十一 宋 李昉等 編

地部三

山雜題二十首

洞六首

峽十首

石七首

孤石五首

太湖石四首

雜題七首

山雜題

露際中峰

一作中峯居
喜見苗發

祖

詠

一作李端

自得中峰住深林亦閉關經秋無客到入夜有僧還暗

澗泉聲小荒園

一作
樹影閒

高窓下

一作南
窓不

可望星月

滿空山

此詩二百一十八卷重出今已削去遇有異同註

為一作

風涼原上作

王昌齡

陰岑宿雲歸煙霧

集作
霧露

濕松柏風淒日初曉下嶺望川

澤遠山無遺明

集作晦明

秋水千里白佳氣盤未央聖人在

凝碧關門阻天下信是帝王宅海內方晏然廟堂有奇策時貞守全運罷去遊說客余忝蘭臺人幽尋免貽責

此詩三百十八卷重出今已削去

秋山夕興

陶翰

山月松篠下月明山景鮮聊為高秋酌復此清夜絃晤語方獲志栖心亦彌年尚言興未逸更理逍遙篇

登翅頭山題儼公石壁

包融

晨登翅頭山山曛黃霧起却瞻迷向背直下失城市瞰
日銜東郊朝光生邑里掃除諸煙氛照出衆樓雉青為
洞庭山白是太湖水蒼茫遠郊樹倏忽不相似萬象以
區別森然共盈几坐令開心胃漸覺落塵滓北巖千餘
仞結廬誰家子願陪中峯遊朝暮白雲裏

季夏入北山

林璠

整駕俟明發逶迤歷險途天形逼峯盡地勢入谿無樹
遶圓潭密雲橫疊嶂孤誰憐後時者六月未南圖

獨往覆釜山寄郎士元

錢起

賞心無遠近芳月好登望勝事引幽人山下復山上將
尋洞中藥復愛湖外嶂古壁苔入雲陰溪樹穿浪誰言
世緣絕更惜知音曠鶯啼綠蘿春迴首還集作惆悵遠

棲霞山夜坐

僧靈一

山頭戒壇路幽映雲巖側四面青石牀一峯苔蘚色松
風高僧詩靜復起月影開還黑何獨乘夜來殊非書高僧

詩作
畫所得

春晚山行

詩選無春
晚二字

殷遙

寂歷青山晚山行趣不稀
野花垂子落江鷺引鷓飛暗

草薰苔渚

一作
徑

晴楊拂石磯俗人語話

一作
猶語

此我

一作
余

亦轉志歸

買山吟

于鵠

買得幽山屬漢陽
槿籬踈處種枕榔
唯有獼猴來往熟
弄人拋果滿書堂

春山夜月

于良史

春山多勝事，賞翫夜忘歸。
掬水月在手，弄花香滿衣。
興來無遠近，欲去惜芳菲。
南望鳴鐘處，樓臺深翠微。

奉和裴相公假山

韓愈

公乎真愛山，看山旦連夕。
猶嫌山在眼，不得著脚力。
往

語山中人，

集作與

我澗側石有來應，公須歸必載金帛。

當軒乍駢羅，隨勢忽開圻。
有洞若神剌，有巖類天劃。
終

朝巖洞間歌吹

集作鼓

宴賓戚孰謂衡霍，竒近在王侯宅。

傅氏築已卑，磻溪釣何激。
逍遙功德下，不與事相撻。
樂

我盛明朝

集作時

於焉傲今昔

此詩二百四十五卷重出今已削去

早春題少室東巖

白居易

三十六峯晴雪銷
嵐翠生月留
三夜宿春引
四山行遠
草初含色寒禽未變聲
東巖最高石
唯有我題名

尋山

于武陵

到此絕車輪
萋萋草樹春
青山如有利
白石亦成塵
水闊應無路
松深不見人
如知巢與許
千載跡猶新

奉和盧大夫新立假山

許渾

巖谷留心賞為山極自然孤峯空迥竦攢萼旋開蓮黛
色朱樓下雲形繡戶前砌塵凝積靄蒼溜掛飛泉樹暗
壺中月花香洞裏天何如謝康樂海嶠獨題篇

與郭二十四同看朱審山水時郭二十四將遊

廬山

集作送郭秀才遊天台并序余嘗與郭秀才同翫朱審畫天台山圖秀才因遊

是山題詩
贈別焉

前人

雲埋陰壑雪凝峯平碧

集作半壁

天台已萬重人渡碧溪疑

輟棹僧歸蒼嶺似聞鐘煖眠鷗鵝晴天

集作灘

草高掛獼

猴暮澗松曾約共遊今獨去香爐山下

集作赤城西面

水溶溶

經西塢偶題

溫庭筠

見集本

搖搖弱柳黃鸝啼芳草無情人自迷日影明滅金色鯉

杏花唳

一作唳

喋青頭鷄微紅柰蒂惹蜂粉潔白芹芽入

一作穿驚泥借問含嚔向何事昔年曾到武陵溪

長安

一有月夜二字

與友生話舊

一作故

山

趙

嘏

見王安石詩選

宅邊秋水舊

一作浸

苔磯日日持竿去不歸楊柳風多潮

未落蒹葭霜在鴈初飛重嘶匹馬吟紅葉却聽踈鐘憶
翠微今夜秦城滿樓月故人相向一沾衣

山行偶作

馬戴

緣巴路忽窮投宿值樵翁鳥下山含影蟬鳴露灑空石
門斜月入雲竇暗泉通寂寞生愁思心疑舊隱同

尋山

李頻

一逕入雙崖初疑有幾家行窮人不見坐久日空斜石

上生靈草泉中落異花終須結茅屋
向此學餐霞

出山

杜荀鶴

病眼見

集作看

春勝文場公道開
朋人登第盡白髮
出山

來處世曾無遇
唯天合是媒
長安不覺遠
期遂一名迴

洞

題合溪乾洞

于鵠

渡水傍山尋絕壁
白雲飛處洞天開
仙人來往行無迹
石徑春風長綠苔

題武陵洞四首

曹唐

此生終使此身閒，不是春時且要還。
寄語桃花與流水，莫辭相送到人間。

二

溪口回舟日已昏，却聽雞犬隔前村。
殷勤重與秦人別，莫使桃花閉洞門。

三

却恐重來路不通，殷勤回首謝春風。
白鷄黃犬不將去。

且寄桃花深洞中

四

桃花夾岸杳何之花滿春山水去遲三宿武陵溪上月
始知人世有春時

桃源洞

李羣玉

我到瞿童

集作真

上昇處山川西

一作四

望使人愁紫雲白

鶴去不返唯有桃花溪水流

峽

琵琶峽

梁簡文帝

由來歷山川此地獨迴澶百嶺相迂蔽千崖共隱天橫
峯時礙水斷岸或通川還瞻已迷向直來復疑前夕波
照孤月山枝歛夜煙此時愁緒密

闕

九遷

廣溪峽

三峽有
序不錄

楊炯

廣溪三峽首曠望兼川陸山路逸羊腸江城鎮魚復喬
枝百丈偃飛水千尋瀑驚浪迴高天盤渦轉深谷漢氏
昔云季中原爭逐鹿天下有英雄襄陽有龍伏常山集

軍旅永安興版築池臺忽已傾邦家遽淪覆庸才若劉
禪忠佐為心腹設險猶可存當無賈生哭

巫峽

前人

三峽七百里唯言巫峽長重巖宵不極疊嶂陵蒼蒼
絕壁橫天險莓苔爛錦章入夜分明見無風波浪狂
忠信吾所蹈泛舟亦何傷可以涉砥柱可以浮呂梁
美人今何在靈芝徒自一作芳山空夜猿嘯征客淚
沾裳

西陵峽

前人

絕壁聳萬仞長波射十里盤薄荆之門滔滔南國紀楚
都昔全盛高丘烜望祀秦兵一旦侵夷陵火潜起四維
不復設關塞良難恃洞庭且忽焉孟門終已矣自古天
地闢流為峽中水行旅相贈言風濤無極已及余踐斯
地懷竒信為美江山若有靈千載深知已

湏陽峽作

張九齡

行舟傍越岑窈窕越溪深水暗先秋冷山晴當晝陰重

林間五色對石

壁集作

聳千尋此物

集作惜此

生遐遠誰知造

化心

峽中作

盧象

高唐幾百里雲樹接陽臺晚見江山霽宵聞風雨來雷
從三峽起天向數峯開靈境信難見輕舟那可迴

經端溪峽中

楊衡

陰岸東流水上有微風生素羽漾翠澗碧苔敷丹英重
林宿雨晦遠岫孤霞明飛猱相攀牽白雲亂縱橫有客

泝輕楫閱勝匪羈程逍遙一息間糞土五侯榮寒茗庶
蠲熱漱泉聊析醒禮樂志秦尊
柘漿析朝醒寄言絲竹者詎識松風
聲

過巫峽

李頻

擁棹向驚湍巫山直下看削成從地底聳出在雲端暮
雨晴歸少啼猿渴下難一聞神女去風竹掃空壇

滄浪峽

羅鄴

門向紅塵日日開入門襟袖遠塵埃晴香惹步澗花發

晚景逼簾溪鳥迴不為市朝行路近有誰車馬看山來
可憐嚴子持竿處雲水終年鎖綠苔

巫峽

曹松

巫山蒼翠峽通津下有仙宮楚女貞不逐綵雲歸碧落
却為暮雨撲行人年年舊事音容在日日誰家夢想頻
應是荆山留不住至今猶得覩芳塵

石

賦得翠石應令

蕭推

依峰形似鏡構嶺勢如蓮映林同綠柳臨池亂百川壁
苔終不落丹字本難傳有邁東明上來遊皆羽仙

石

陰 鏗

天漢支機罷仙嶺博棊餘零陵舊是驚昆池本學魚雲
移蓮勢出苔駁錦文踈還當穀城下別自解兵書

奉和周趙玉

初學記
作玉

詠石

崔仲方

玉繩隨月落金碑映日鮮入江疑濯錦出峽似開蓮文
馬河西瑞兵符濟北篇會逐靈槎上還歸天漢邊

賦得臨階危石

岑德潤

當階聳危石殊狀實難名帶山疑似獸浸波或類鯨雲
峯臨棟起蓮影入簷生楚人終不識徒自蘊連城

賦得石

虞茂

蜀門鬱遐阻燕碣遠參差獨標千丈峻共起百重危鏡
峯含月魄蓋領初學記作嶺逼雲枝徒然抱貞介填海竟誰

知

石

蘇味道

濟北甄神貺河西濯

初學記作瑞

錦文聲應天池雨影觸岱

宗雲鴈歸猶可候羊起自成羣何當握靈髓高枕絕囂

氛

同前

李嶠

宗子維城固將軍飲羽威巖花鏡裏發雲葉錦中飛入
宋星初墮過湘鷺早歸儻因持補極寧復羨支機

孤石

孤石

朱超

侵霞去日近鎮水激流分對影疑雙闕孤生若斷雲過
風靜華浪騰煙起薄暉雖然近七嶺獨立不成羣

同前

標法師

中原一孤石地理不知年根含彭澤浪頂入香爐煙崖
成二鳥翼峯作一芙蓉何時發東武今來鎮蠡川

同前

高麗定法師

迴石直生空平湖四望通巖根恒灑浪樹杪鎮搖風偃
流還清影侵霞更上紅獨拔羣峯外孤秀白雲中

同前

劉長卿

孤石自何處對之如舊遊氛氲峴首夕青翠剡中秋迴
出竒峰當殿前雪山靈鷲慙貞堅一片孤雲長不去莓
苔古色空蒼然

同前

戴叔倫

迥若干仞峰孤危不盈尺早晚他山來猶帶煙雨跡貞
堅自有分不亂和氏璧

太湖石

李蘇州遺太湖石竒狀絕倫因題二十韻奉呈

夢得樂天

牛僧孺

胚渾何時結嵌空此日成掀蹲龍虎鬪挾怪鬼神驚帶
雨新水靜輕敲碎玉鳴攬叉鋒刃簇縷絡釣絲紫近水
搖竒冷依松助澹清通身鱗甲隱透穴洞天明醜凸隆
胡準深凹刻兇觜雷風疑欲變陰黑訝將行噤痒微寒
早輪困數片橫地祇愁墊壓鼇足困支撐珍重姑蘇守
相憐嬾慢情為探湖裏物不怕浪中鯨利涉餘千里山

河

二字疑

僅百程池塘初展見金玉自凡輕側眩魂猶悚

周觀意漸平似逢三益友如對十年兄
旺興添魔力消煩破宿醒
婉人當綺皓視秩即公卿
念此園林寶還須別識精
詩仙有劉白為汝數逢迎

奉和牛相公題姑蘇所寄太湖石見示兼寄李

蘇州

劉禹錫

震澤生竒石沈潛得地靈
初辭水府出猶帶龍宮腥
發自江湖國來滎卿相庭從風
夏雲勢上漢古查形拂拭

魚鱗見鏗鏘玉韻聆煙波含宿潤苔蘚助新青嵌穴神
工鑿纖銛蟲篆銘孱顏傲林薄飛動向雷霆煩熱近還
散餘醒見便醒凡禽不敢宿浮瑤莫能停靜稱垂松蓋
鮮宜映鶴翎忘憂常目擊素尚與心冥眇小欺湘鷺團
圓笑落星徒然想融結安可測年齡採取詢鄉老搜求
按舊經垂鈎入空隙隔浪動晶熒有獲人爭賀謠衆
共聽一州驚閱寶千里遠揚舲覩物洛陽陌懷人吳御
亭寄言垂天翼早晚起滄溟

奉和思黯相公以李蘇州所寄太湖石竒狀絕
倫因題二十韻見示兼呈夢得

白居易

錯落復崔嵬蒼然玉一堆峯駢仙掌出罅折劔門開峭
頂高危矣盤根下壯哉精神欺竹樹氣色壓亭臺隱起
磷磷狀疑成瑟瑟胚蘆稜露鋒刃清越叩瓊瑰岌業形
時動嵬我勢欲推竒應潛鬼怪靈合蓄風雷黛潤沾新
雨斑明點古苔未曾棲鳥雀不肯染塵埃尖削琅玕筍

窪剗馬腦壘海神移碣石畫障簇天台在世為尤物如
人負逸才渡江一葦載入洛五丁推出處雖無意升沉
亦有媒拔從水府底置向相庭隈對稱吟詩句看宜把
酒杯終隨金礪用不學玉山頽疏傅心偏愛園公眼屢
迴共嗟無此分虛管太湖來

居易與夢得俱典姑蘇而不獲此石也

太湖石

前人

遠望老峯我近觀怪嶽峯纜高八九尺勢若干萬尋嵌
空華陽洞重疊匡山岑邈矣仙掌迥呀然劔門深形質

冠今古氣色通晴陰未秋已瑟瑟欲雨先沈沈天姿信
為異時用非所任磨刀不如礪擣帛不如砧何乃主人
意重之如萬金豈伊造物者獨能知我心

雜題

南海亂石山作

杜審言

漲海積稽天羣山高業地相傳稱亂石圖典失其事懸
危恚可驚大小都不類乍將雲島極還與星河次上聳
或如飛下臨仍欲墜朝暎赭丹紫夜魄烟青翠穹崇霧

雨蓄幽隱靈山閔萬尋掛鶴巢千丈垂猿臂昔去景風
涉今來姑洗至觀此得詠歌長時想精異

戲題盤

集作
磐

石

王維

可憐盤石臨泉水復有垂楊拂酒盃若道春風不解意
因何吹送落花來

織女石

童翰卿

一片昆明石千秋織女名見人虛脉脉依水更盈盈苔
作輕衣色波為促杼聲岸雲連鬢濕沙月對眉生有臉

蓮同笑無心鳥不驚還如朝鏡裏形影兩分明

泰山石兗州從事所寄

李德裕

鷄鳴日觀望遠與扶桑外

集作對

滄海似鎔金衆山如點

黛遙知碧峯首獨立煙嵐內此石依五松蒼蒼幾千載

海上石筍

前人

常愛仙都山竒峯千仞懸迢迢一何迴不與衆山連忽逢海嶠石稍慰平生憶何以慰我心亭亭孤且直

疊石

前人

潺湲桂水湍漱石多奇狀鱗次冠煙霞蟬聯疊波浪今
來碧梧下迥出秋潭上歲晚苔蘚滋懷賢益惆悵

興平縣野中得落星石移置縣齋

韓琮

的的墮蒼竿茫茫不記年幾逢疑虎將應逐犯牛仙擇
地依蘭畹題詩間錦錢何時成五色却上女媧天

文苑英華卷一百六十一

欽定四庫全書

集部

文苑英華卷一百六十四

二至

詳校官內閣學士臣瑞保

助教臣常循覆勘

總校官進士臣朱 鈐

校對官庶吉士臣祖之望

謄錄舉人臣郭文鈺

二子承臉淚滂沱剖符瀛海外結綬層山阿因心
留惻憫恕已息煩苛繕築循時隙興動藉民和高門惟
壯麗脩雉亦駢羅層樓已闕幾二字疑複道亦經過昧旦
清陰上風氣入纖蘿雲起垂天翼水動連山波奔濤延
瀾汗積翠遠嵯峨鄉關屢回曲還顧杳蹉跎曾微肅肅
羽望路空如何

望海

隋煬帝

碧海雖欣矚金臺空有聞遠水翻如岸遙山倒似雲斷

欽定四庫全書

文苑英華卷一百六十二 宋 李昉等 編

地部四

海十五首 江三十八首

潮八首

海

早出巡行瞻望山海 王筠

王生臨廣隰潘子望洪河同軫懷歸思俱興年逝歌 闕

濤還共合連浪或時分馴鷗舊可狎卉木足為羣方知
小姑射誰復與臨汾

李秋觀海

前人

孟軻叙遊聖枚乘說瘡疾逃聽乃前聞臨深驗茲日浮

天迥無岸合虛

初學記
作舍靈

固非一委輸百谷歸朝宗萬川

溢汾空

初學記
作城

碧霧晴連洲彩雲密欣同夫子觀深愧

玄虛筆

奉和望海

虞茂

清蹕臨溟漲巨海望滔滔十洲雲霧遠三山波浪高長
瀾疑浴日連島類奔濤神遊藐汾射睿藻冠風騷縱然
雖觀海何以效涓毫

望海

祖孝徵

登高臨巨壑不知千萬里雲島相接連風濤無極已時
看遠鴻度但類聚見驚鷗起不假送將歸自然傷客子

海

李嶠

習坎䷜丹壑朝宗合紫微三山巨鰲湧萬里大鵬飛樓

寫春雲色珠含明月輝
會因添霧露方逐衆川歸

景龍四年春祠海

宋之問

肅事祠春溟宵齋洗蒙慮鷄鳴見日出鷺下驚濤驚地
潤八荒近天迴百川澍筵端接空曲目外唯霧霧暖氣
物象來周遊晦明互致牲匪玄享禋滌期靈煦的的波
際禽沄沄島間樹安期今何在方丈茂尋路仙事與世
隔冥搜徒已屢四明背羣山遺老莫辨處撫中良自慨
弱齡忝恩遇三八文史林兩拜神仙署雖歎出關遠始知

臨海趣賞來空自多理勝孰能喻留楫竟何待徒倚忽
云暮

歲暮海上作

孟浩然

仲尼既已歿予亦浮于海又見斗柄迴始知新歲改虛
舟任所適垂釣非有待為問乘槎人滄浪復誰在

和賀蘭判官望北海作

高適

聖代務平典輜軒推上才迢遙溟海際曠望滄波開四
牡未皇息三山安在哉巨鰲不可釣高浪何崔嵬湛湛

朝百谷茫茫連九垓挹流納廣大觀異增遲迴日出見
魚日月圓知蚌胎跡非想像到心以精靈猜遠色帶狐
嶼虛聲涵殷雷風行越裳貢水過天吳災攬轡隼將擊
忘機鷗復來緣情韻騷雅獨立遺塵埃吏道竟吾用翰
林仍忝陪長鳴謝知己所媿非龍媒

西陵口觀海

薛據

漸河

一作長江

漫湯湯近海勢彌廣在昔胚渾凝融為百川

長地形尖端倪天色潛澗瀆東南際萬重

一作里

極目自

一作遠

無象山影乍沉浮湖波忽來往孤帆或不見棹歌
猶想像日暮長風起客心空振蕩浦口雲未收潭中月
初上林嶼幾遭迴亭臯時偃仰歲晏訪蓬瀛真遊非外
獎

海上作

宋務光

曠哉潮汐池大哉乾坤力浩浩去無際
泐泐深不測崩騰歛衆流
泐泐環中國鱗介錯殊品
氛霞饒翠色天波混莫分
島樹遙難識漢主探靈怪
秦皇恣遊陟搜竒大

壑東竦望成山北方術徒相誤蓬萊安可得吾君略仙
道至化字淳默驚浪晏窮溟飛航通絕域馬韓底厥貢
龍伯脩其職粵我遘休明匪躬期正直敢輸鷹隼摯以
問豺狼忒海路行已殫輶軒未皇息勞歌玄月暮旅睇
滄海極魏闕渺雲端馳心附歸翼

越中問海客

劉春虛

風雨滄洲暮一帆今始歸自云發南海萬里速如飛初
謂落何處永將無所依宜茫漸西見山色越中微誰念

去時遠人經此路稀泊舟悲且泣使我亦沾衣浮海馬
用說憶鄉難久遠縱為魯連子山路有柴扉

望海

周 繇

蒼茫空泛日四顧絕人煙半浸中華岸旁通異域船島
間應有國波外恐無天欲作乘槎客翻愁去隔年

蒲門戍觀海作

陳 陶

廓落溟漲曉蒲門鬱蒼蒼登樓禮東君旭日生扶桑毫
釐見蓬瀛含吐金銀光草木露未晞蜃樓氣若藏欲遊

蟠桃國慮涉魑魅鄉徐市惑秦朝何人在巖廊惜哉千
童子葬骨於眇茫恭聞槎客言東池接天潢即此聘牛
女曰祈長壽方靈津水清淺余亦慕脩航

南海

曹松

傾騰界漢沃諸蠻立望何如畫此看無地不同方覺遠
共天無別始知寬文魴隔霧朝含磬老蚌凌波夜吐丹
萬狀千形皆得意長鯨獨自轉身難

江

渡浙江

劉孝綽

李秋弦望後輕寒朝夕殊商人泣紈扇客子夢羅襦憂
方自難遣况復阻川隅日暮愁陰合繞樹噪寒烏濛漠
江煙上蒼茫沙嶼蕪解纜辭東越接舳鷺西徂懸帆似
馳驥飛棹若驚鳧言歸遊俠窟方從冠蓋衢

泛永康江

沈約

長枝萌紫葉清源泛綠苔山光浮水至春色犯寒來臨
覲信永矣望美曖悠哉寄言幽閨夢羅袖勿空裁

渡新安江貽京邑遊好

前人

眷言訪舟客茲川信可珍
洞徹隨深淺皎鏡無冬春
千仞寫喬樹百丈見遊鱗
滄浪有時濁清濟涸無津
豈若乘斯去俯映石磷磷
紛吾隔囂滓寧假濯衣巾
願以潺湲水霑君纓上塵

濟浙江

任昉

昧旦乘輕風江湖忽來往
或為歸波送乍逐翻江上
近岸無暇目遠峯更興想
綠樹懸宿根丹崖頽久壤

奉和汎江

庾信

春江下白帝畫舸向黃牛錦纜迴沙磧蘭橈避荻洲濕
花隨水泛空巢逐樹流建平船梯下荆門戰艦浮岸社
多喬木山城足迴樓日落江風靜龍吟迥上游

夏日臨江

隋煬帝

夏簾

初學記
作潭

陰脩竹高崖坐長楓日落滄江靜雲散遠

山空鷺飛林外白蓮開水上紅道遙有餘興悵望情不

終

入柳江

薛道衡

仗節遵嚴會揚舲
沂急流征塗非白馬
水勢類黃牛

跳波鳴石磧
濺沫擁沙洲
岸迫

初學記作迴

槎倒轉灘長船

却浮緣崖頻斷挽
挂壁屢移鉤
還憶青絲騎
東方來上

頭

初渡江

虞世基

欽策暫迴首
掩涕望江濱
無復東南氣
空隨西北雲

渡漢江

李百藥

東流既瀾瀾南紀信滔滔水激沉碑岸波駭弄珠臯含
星映淺石浮蓋下奔濤溜濶霞光近川長曉氣高檣烏
轉輕翼戲鳥落風毛客心既多緒長歌且代勞

王師渡漢水經襄陽

前人

導漾疏源遠歸海會流長延波接荆臺通望邇沮漳高
岸沉碑影曲淑麗珠光雲昏翠鳥沒水廣素濤揚闕川
已多歎遐睇幾增傷臨溪猶駐馬望峴欲霑裳喬木下
寒葉亭林落曉霜山公不可遇誰與訪高陽

九江口南濟北接蘄春南與潯陽岸

蘇味道

江路一悠哉，滔滔九派來。
遠潭昏似霧，前浦沸成雷。
鱗介多潛育，漁商幾泝洄。
風搖蜀柁下，日照楚萍開。
近漱湓城曲，斜吹蠡澤隈。
錫龜猶入貢，浮獸罷為災。
津吏揮撓疾，郵僮整傳催。
歸心誰可問，為視落潮迴。

夜渡吳松江懷古

宋之問

宿帆震澤口，曉渡松江濱。
棹發魚龍氣，舟衝鴻鴈羣。
寒

潮頓覺滿暗浦稍將分氣赤海生日光清湖起雲水鄉
盡天衛歎息為吳君謀士伏劍死至今悲所聞

漢江

前人

嶺外音書斷經冬復歷春近鄉情更怯不敢問來人

夜渡江

姚元崇

夜渚帶浮煙蒼茫晦遠天舟輕不覺動纜急始知牽聽
草遙尋岸聞香暗識蓮唯看孤帆影常似客心懸

春江晚景

張九齡

江林皆秀發雲日復相鮮
征路那逢此春心益眇然
興來祇自得佳處莫能傳
薄暮津亭下餘花滿客船

初入湘江

集作中

有喜

前人

征鞍窮郢路歸棹入湘流
望鳥唯貪疾聞猿亦罷愁
兩邊楓作岸數處橘為洲
却記從來意翻疑夢裏遊

湘中作

前人

湘流繞南嶽絕目轉青青
懷祿未云已瞻途屢所經
煙嶼宜春望林猿莫夜聽
永路日多緒孤舟天復冥
浮波

從此去嗟嗟勞我形

漢江臨泛

王維

楚塞三湘接荆門九派通江流天地外山色有無中郡
邑浮前浦波瀾動遠空襄陽好風日留醉與山公

凌朝浮江旅思

常承慶

天晴上初日春水送孤舟山遠疑無樹潮平似不流岸
花榮且落江鳥沒還浮羈望傷千里長歌遣四愁

江上逢春

張均

離憂耿未和春慮忽蹉跎擇木猿知去尋泥鷺獨過驚
花翻霽日垂柳拂煙波激意屢怡賞無如鄉念何

和李侍御渡松滋江

孟浩然

南紀西江濶皇華御史雄截流寧假楫挂席自生風
察宋爭攀鷁魚龍亦避駉坐聞白雪唱翻入棹歌中

橫江詞四首

李白

橫江西望阻西秦漢水東流揚子津白浪如山那可渡
狂風愁殺峭帆人

二

海神東過惡風迴浪打天門石壁開浙江八月何如此
濤似連山噴雪來

三

人言橫江好儂道橫江惡猛風吹倒天門山

集作一風
三日吹倒

山
白浪高於瓦官閣

四

日

集作
月

暈天風霧不開海鯨東蹙百川迴驚波一起三

山動公無渡河歸去來

江上琴興

常建

江上調玉琴一絃清一心泠泠七絃遍萬木澄幽陰能
使江月白又令江水深始知梧桐枝可以徹黃金

此詩二百二十二卷重出今已削去注異同為一
作

與鮮于庶子泛漢江

岑參

急管更須吹金盃莫遣遲酒光紅琥珀江色碧琉璃日

影浮歸棹蘆花冑釣絲山公醉不醉問取葛疆知

江上愁思二首

陳羽

江上翁開門開門向衰草只知愁子孫不覺生涯老

二

江上草莖枯莖枯葉復焦那堪芳意盡夜夜沒寒潮

江頭

張籍

晚步隨江遠來帆過眼頻試尋新住客少見故鄉人迴
首憐歸翼長吟任此身應同南浦鴈更見嶺頭春

九江北岸遇風雨

白居易

黃梅縣邊黃梅雨
白頭浪裏白頭翁
九江濶處不見岸
五月將盡多惡風
人間穩路應無限
何事拋身來此中
此詩二百九十三卷重出今已削去

漢江

杜牧

溶溶漾漾白鷗飛
綠淨春深好染衣
南去北來人自老
夕陽長送釣船歸

嘉陵江

薛逢

備問嘉陵江水湄百川東去爾西之但教清淺源流在
天路朝宗會有期

江岸即事

溫庭筠

水容侵古岸峯影度青蘋廟竹唯聞鳥江帆不見人雀
聲花外暝客思柳邊春別恨轉難盡年年

集作
行行汀草新

江邊

趙嘏

終日勞車馬江邊款竹扉殘花春浪濶小酒故人稀
鼓客帆遠津雲夕照微何由兄與弟俱及暮春歸

江際

鄭谷

杳杳漁舟破暝煙
踈踈蘆葦舊江天
那堪流落逢搖落
可得潛然是偶然
萬頃白波迷宿鷺
一林黃葉送寒蟬
兵車未息年華促
早晚閒吟向滌川

濟浙江

陳陶

適越一輕艘
凌兢截鷺濤
曙光金海近
晴雪玉峯高
靜寇思投筆
傷時欲釣鰲
壯心殊未展
登涉漫勞勞

此詩二百九十五卷重出今已削去注異同為一

作

桂江

曹松

未識佳人尋桂水，水雲先解傍壺觴。
筍林次第添斑竹，鷓鴣鳥參差護錦囊。
南中有錦囊鳥乳洞此時連越井，石樓何日到仙鄉。
如飛似墮皆青壁，畫手不強元化強。

潮

賦得觀潮

類聚作滿

任昉

雲容雜浪起，楚水漫吳流。
漸看遥樹沒，稍見碧天浮。
漁

人迷舊浦海鳥失前洲不測滄溟曠輕鮮幸自游

上虞鄉亭觀濤津渚學潘安仁河陽縣詩

劉孝綽

昔余蒞賓始衣冠仕洛陽無貲徒有任一命忝為郎再
踐神仙側三入宗賢傍東朝禮髦俊虛薄廁才良遊談
侍名理擢管創文章引籍陪下膳橫經叅上庠誰謂服
事淺契濶變炎涼一朝謬為吏結綬去承光烹鮮徒可
習治民終未長化鷄仰李智馴雉推仲康魯恭字也此城隣

夏穴楠轟茂筠篁孝碑黃絹語神濤白鷺翔遨遊佳可
望釋事上川梁秋江凍雨絕反景照移塘織羅殊未動
駭水忽如湯乍出連山合時如高蓋張漂沙黃沫聚巖
石素波揚榜人不敢唱舟子詎能航離家復臨水眷然
思故鄉中來不可絕奕奕若人腸沂洄若無阻謝病反
清漳

乘潮至漁浦作

陶翰

艤棹乘早潮潮來如風雨樟亭忽已隱界峯莫及覩崩

騰心為失浩蕩目無主風停浪始開漾漾入漁浦雲
景共澄霽江山相吞吐偉哉造化靈此事從終古流沫
誠足誠商歌調易苦頗因忠信全客念猶栩栩

樟亭觀濤

宋 昱

濤來勢轉雄獵獵架長風雷震雲霓裏山飛霜雪中激
流高失岸吹滂上侵空翕闢乾坤異盈虛日月同
從陸起州浦隔阡通跳沫噴巖翠翻波帶景紅怒湍初
抵北却浪浚

疑作復

歸東寂聽堪增勇晴看自發蒙伍生

傳或謬枚叟說難工來信應無已申威亦匪窮衝騰如
決勝迴合似相攻委質任平視誰能涯始終

看潮

前人

浙江悠悠海西曲一日波濤兩翻覆錢塘郭裏看潮人
直到白頭看不足

觀濤二首

朱慶餘

不知來遠近但見白峨峨風雨翻前駐魚龍逆上波聲
長勢未盡曉去夕還過要路橫天塹其如造化何

二

木落霜飛天地清
空江百里見潮生
鮮飈出海魚龍
氣晴雪噴山雷
鼓聲雲日半陰川
漸滿客帆皆過浪
難平高樓曉望無窮意
丹葉黃花繞郡城

潮

集作錢塘江潮

羅隱

怒聲洶洶勢悠悠
羅刹江邊地欲浮
漫道往來存大信
也知翻覆向平流
狂拋巨浸疑傾底
猛過西陵似有頭
至竟朝昏誰主掌
好騎鱣鯉問陽侯

文苑英華卷一百六十二

欽定四庫全書

文苑英華卷一百六十三 宋 李昉等 編

地部五

河四首

湖十一首

潭八首

水二十七首

泉七首

河

渡黃河

范雲

河邊

類聚作流

迅且濁湯湯不可陵檜楫難為榜松舟纔自

勝空亭偃舊木荒疇餘故塋不覩行人跡但見狐兔興
寄言河上老此水何當澄

渡河北

王 褒

秋風吹木葉還似洞庭波常山臨代郡亭障遠黃河心
悲異方樂腸絕隴頭歌薄暮臨征馬

暮臨一作暮姬

失道北山

河

此詩二百八十九卷重出今已削去注異同為一

作

渡黃河

江總

葱山淪外域，鹽澤隱遐方。
兩京分際遠，九道派流長。
未殫所聞見，無待驗詞章。
留連嗟太史，惆悵踐黎陽。
尊波縈地節，䟽氣耿天潢。
憫周沉用寶，嘉晉肇為梁。

渡河北

薛道衡

連旌映淑浦，疊鼓沸汀洲。
桃花長新浪，竹箭下奔流。
塞雲臨遠艦，胡風入陣樓。
劔拔蛟將出，驂驚黿欲浮。
鴈書

終立效燕相果封侯勿恨關河遠且寬邊地愁

湖

治西湖

范雲

史氏導漳水西門溉河潮圖始未能悅克終良可要擁
鍤勸年首提爵勞春朝平臯草色嫩通林鳥聲嬌已集
故池鷺齊蒔新田苗何吁畚築苦方驩魚稻饒

汎宮亭湖

劉剛

迴艫承派水舉帆逐分風滉漾疑無際飄飄似度空檣

烏排鳥路船影沒河宮
孤石滄波裏匡山苔霧中
寄謝千金子安知萬里蓬

渡青草湖

陰鏗

洞庭春溜滿平湖錦帆張
沅水桃花色湘流杜若香
穴

去茅山遠

初學記
作近

江連巫峽長帶天澄迥
碧映日動浮

光行舟逗遠樹度鳥息危檣
滔滔不可測一葦詎能航
此詩二百八十九卷重出今已削去

洞庭湖

宋之問

地盡天水合朝及洞庭湖初日當中涌莫辨東西隅
晶耀因何在澹熒心欲無靈光晏海若游氣耿天樞張樂
軒皇至征苗夏禹徂楚臣悲落葉堯女泣蒼梧野積九
江潤山通五嶽圖風恬魚自躍雲夕鴈相呼獨此臨泛
漾浩將人代殊永言洗氛濁卒歲為清娛要使功成退
徒勞越大夫

別澨湖

張說

念別澨湖去浮舟更一臨千峯出浪險萬木抱煙深南

郡延恩渥東山戀宿心露花香欲醉時鳥轉餘音涉趣
皆留賞無竒不遍尋莫言山水間幽意在鳴琴

泛太湖書事寄微之

白居易

煙渚雲帆處處通飄然舟似入虛空玉盃淺酌巡初匝
金管徐吹曲未終黃夾纈林寒有葉碧琉璃水淨無風
避旗飛鷺翩翩翻白鷺鼓跳魚撥刺紅澗雪壓多松偃蹇
巖泉滴久石玲瓏書為故事留湖上吟作新詩寄浙東
軍府威容從道盛江山氣色定知同報君一事君應羨

五宿澄波皓月中

憶東湖

李紳

菱歌罷唱鷁舟迴，雪鷺銀鷗左右來。
霞散浦邊雲錦截，月昇湖面鏡波開。
魚驚翠羽金鱗躍，蓮脫紅衣紫葳摧。
淮口值春偏悵望，數株臨水是寒梅。

和唐中丞開淘西湖暇日遊泛

朱慶餘

萍岸新淘見碧霄，中流相失忽成遙。
空餘孤嶼來詩景

無復橫槎礙柳條
紅旆路幽山翠濕
錦帆風起浪花飄
共知浸潤同雷澤
何慮川源有旱苗

南湖

溫庭筠

湖上微風小檻涼
翻翻菱荇滿迴塘
野船著岸入春草
水鳥帶波飛夕陽
蘆葉有聲疑霧雨
浪花無際似瀟湘
飄然蓬艇東歸客
盡日相看憶楚鄉

鏡湖西島言事

方干

慵拙幸便荒僻地
縱聽猿鳥亦何愁
偶斟藥酒欺梅雨

却著寒衣過麥秋。歲計有餘添橡實。生涯一半在漁舟。
世人若便無知己。應向此溪成白頭。

洞庭湖

曹松

東西南北各連空。波上唯留小朶峯。長與岳陽翻鼓角。
不離雲夢轉魚龍。吸迴日月過千頃。鋪盡星河剩一重。
直到劫餘還作陸。是時應有羽人逢。

潭

旦發漁浦潭

丘遲

漁潭霧未開，赤亭風已颺。
櫂歌發中流，鳴鞞響沓障。
村童忽相聚，野老時一望。
詭石異象蘄，絕峯殊狀森。
森荒樹齊析，析寒沙漲。
藤垂島易陟，岸傾嶼難傍。
信是永幽棲，豈徒暫清曠。
坐嘯昔有委，卧治今可尚。

秋日題南陽潭壁

劉希夷

獨坐秋陰生，悲來從此滴。
行見汝陽潭，飛蘿蒙水石。
懸瓢木葉上，風吹何歷歷。
幽人不耐煩，振杖聞步寂。
迴流清見底，金沙覆銀礫。
錯落非一丈，空隴幾千尺。
江湘魚

鱗紫鴨毛自然碧石吟詠秋水篇渺然忘損益秋水隨形
影清濁混心迹歲暮歸去來東山余宿昔

萬山潭

孟浩然

垂釣坐盤石水清心益閒魚遊潭樹下猿挂鳥藤間神
女昔解珮傳聞於此山求之不可得沿月棹歌還

萬丈潭

杜甫

青溪合冥冥神物有顯晦龍依積水蟠窟壓萬丈內跼
步凌垠堦側身下煙靄前臨洪濤寬却立蒼石大山危

一徑盡岸絕兩壁對削成根虛無倒影垂澹瀨黑如灣
潭底清見光炯碎孤雲倒來深飛鳥不在外高蘿成帷
幄寒木疊旌旆遠川曲通流散竇潛洩瀨造幽無人境
發興自我輩告歸遺恨多將老斯遊最閉藏脩鱗蟄出
入巨石礙何當炎天過快意風雨會

龍潭

常應物

激石懸流雪一灣九龍潛處野雲閒欲行甘雨四天下
且隱澄潭一頃間浪引浮槎依北岸波分晚日見東山

垂髯僮遇穆王駕閨苑周遊應未還

宿潭上二首

暢當

夜潭有仙舸與月當水中嘉賓愛明月遊子驚秋風

二

青蒲野波白水露明月天夜中秋風起心事坐茫然

潭上作

張喬

竹島殘陽映翠微雪翎禽過碧潭飛人間未有關身
事每到漁家不欲歸

水

登隄望水

梁孝元帝

驅馬河隄上非謂城隅遊懷山殊未已徒然勞九愁旅
泊依村樹江槎擁戍樓高岸翻成浦曲港反通舟棗野
良知歎瓠河今可儔願假宣尼術泗水却橫流

太子湫落日望水

劉孝綽

川平落日迴落照滿川漲復在淪波地派別引沮漳耿
耿流長脉熠熠動微光寒鳥逐槎泛驚鷄拂浪翔臨流

自多美况此還故鄉榜人夜理檝擢女閨成妝欲待春
江曙爭塗向洛陽

賦得臨水

沈君攸

開筵臨桂水攜手望桃源花落圓文出風急細流翻光
浮動岸影浪息累沙痕浪清自可悅濯纓何用論

望渭水

庾信

樹似新亭岸沙如龍尾灣猶言吟暝浦應有落帆還

詠水

釋慧標

曾添踈勒井經湧
戩師營玉津花色亮
銀溪錦磧明舟
如空裏泛人似鏡
中行持將符上善
利物動高情

同前

祖孫登

驪泉紫闕映珠浦
碧沙沈岸隔蓮香
遠流清雲影深風
潭如拂鏡山溜似
調琴請君看皎潔
知有澹然心

二

長川落日照深浦
漾清風弱柳垂江
翠新蓮夾岸紅船
行疑泛迥月映似
沉空願逐琴高戲
乘魚入浪中

同前

張文琮

標名資上善流派表靈長
地圖羅四瀆天文載五潢
方流含玉潤圓折動珠光
獨有蒙園吏栖偃玩濠梁

賦得方塘含白水

李巨仁

白水溢方塘森森素波揚
疊浪搖鳧影連漪寫鴈行
長堤柳色翠夾岸荇花黃
觀魚自有樂何必在濠梁

王澤嶺遭洪水

孔德紹

地籟風聲急天津雲色愁
悠然百川滿俄爾萬頃浮
還

似金堤溢翻如碧海流驚濤遙起鷺迴岸不分牛徒知
懷趙景終是倦陽侯木梗誠無託蘆灰豈暇求思得乘
槎便蕭然河漢遊

日暮望涇水

徐玠

導源經隴阪屬汭貫羸都下瀨波恒急迴澌溜亦紆毒
流秦卒斃泥糞漢田腴獨有迷津客懷歸軫暮途

水

駱賓王

列名通地紀踈派合天津波隨灰集作月色淨態逐桃花

春照霞如隱石映柳似沉鱗終當挹上善屬意淡交人

春水

杜甫

三月桃花浪江流復舊痕朝來沒沙岸碧色動柴門接
縷垂芳餌連筒灌小園不知無數鳥何意更相喧

望水

司空曙

高原晴見水楚色鶻相和野極空如雪天遙不辨波永
無人跡到獨有鳥聲過况是蒼茫外殘陽照更多

分流水

前人

古時愁別淚滴作分流水日夜東西流分
流幾千里通塞兩不見波瀾各自起與君
相背飛去去心如此

遠水

于武陵

悔作望南浦望中生遠愁因知人易感為
見水東流欲附故鄉信不逢歸客舟萋萋
兩岸草又度一年秋

御溝水

釋無可

鑿禁疏雲數道開垂風岸柳拂青苔銀波
玉沫空池去曾歷千巖萬壑來

大水

薛逢

暴雨隨驚雷從風忽驟來浪驅三島至江圻二儀開勢
恐圓樞折聲疑厚軸推冥心問元化天眼幾時回

遠水

馬戴

蕩漾空沙際虛明入遠天秋光照不極鳥影去無邊勢
引長雲斷波凝片雪連汀州杳難到萬古覆蒼煙

同前

項斯

渺渺浸天色一邊生晚涼濶含萍勢遠寒入鴈愁長北

極連平地南流接故鄉
扁舟當宿處髣髴似瀟湘

西蜀淨衆寺題水

鄭谷

竹院松廊分數派不空清
泚亦逶迤落花相逐向何處
幽鳥獨來無限時洗鉢老僧臨岸久釣魚閒客卷綸遲
晚晴一片連莎綠悔與滄浪舊有期

水

韓喜

方圓不定性空求東注滄溟
早晚休高截碧塘長耿耿
遠飛青嶂更悠悠瀟湘月浸
千年色夢澤煙含萬古

愁別有嶺頭鳴咽處為君分作斷腸流

潯陽觀水

李羣玉

朝宗漢水接陽臺
哈呀填阮吼作雷
莫見九江平穩去
還從三峽嶮巖來
南經夢澤寬浮日
西出岷山劣泛杯
直至滄溟涵貯盡
深沈不動浸昭回

流水

羅鄴

漾漾悠悠幾派分
中浮短艇與鷗羣
天街帶雨含芳草
玉洞飄花下白雲
靜稱一竿持處見
急愁孤館覺來聞

隋家柳畔偏堪恨
東入長淮日又曛

歎流水

前人

人間虛謾惜花落
落花明年依舊開
却最堪悲是流水
便同人事更無迴

御溝水

王貞白

一帶御溝水
綠槐相蔭清
此泉涵帝澤
無處濯塵纓
鳥道來雖險
龍池到自平
朝宗本心切
願向急流傾

水邊

羅隱

野水無情早晚

早晚集
作去不

迴水邊花好為誰開祗知事逐

眼前過不覺老從頭上來窮似孔顏休歎息達如周召
亦塵埃思量此理何人會蒙邑先生最有才

泉

答長安崔少府叔封遊終南翠微寺太宗金沙

泉見寄

李白

河伯見海若傲然誇秋水小物昧遠圖寧知通方士多
君紫霄意獨往蒼山裏地古寒雲深巖高長風起初登

翠微嶺復憇金沙泉踐苔朝霜滑弄波夕月圓飲彼石
下流結蘿宿溪煙鼎湖夢淥水龍駕空茫然早行子午
關却登山路遠拂琴聽霜猿滅燭乃星飯人煙無明集
同異鳥道絕往返攀崖倒青天視白日晚既遇石門
隱還唱石潭歌涉雪蹇紫芳濯纓想清波此人不可見
此地君自過為余謝風泉其如幽意何

一公新泉

劉長卿

東林一泉出復與遠公期淺石春

集作石
淺寒

流處空山暮

落時夢閒歸

集作
閒

細響慮淡對清漪動靜皆無意唯應

道者知

同前

嚴維

山下新泉出泠泠此發源落池纔有響清石未成痕獨
映孤松色殊分衆鳥喧唯當清夜月觀此啓禪關

宜豐新泉

釋靈一

泉源新涌出洞徹映纖雲稍落芙蓉沼初淹苔蘚文了

將空色淨

一作素將
空意合

素淨

一作與衆流分每到青霄月冷

冷夢裏聞

山下泉

皇甫曾

漾漾帶山光澄澄倒林影那知石上喧却益山中靜

泉

一字至
七字句

張南史

泉泉色淨苔鮮石上激雲中懸津流竹樹脉亂山川扣玉
十聲應含風百道連太液併歸池上雲陽舊出宮邊址
陵井深鑿不到我欲添淚作潺湲

山下泉

李端

碧水映丹霞
濺濺度淺沙
暗通山下草
流出洞中花
淨色和雲落
寒聲遶石斜
明朝更尋去
應到劉郎家

集作
阮郎

文苑英華卷一百六十三

欽定四庫全書

文苑英華卷一百六十四 宋 李昉等 編

地部六

泉一十四首 瀑布十首

雜題二十五首 曲江五首

昆明池十首 温湯三首

泉

聽夜泉 張 籍

細泉深處落夜久漸聞聲獨起出門聽欲尋當澗行還
疑隔林遠復畏有風生月下堪留此無人亦到明

僧院引泉

姚合

泉眼高千丈

集作尺

山僧取得歸架空橫竹引鑿石透渠

飛洗藥溪流濁澆花雨力微朝昏長遠看護惜似持衣

方山寺松下泉

章孝標

石脉綻寒光松花噴曉霜注瓶雲母滑漱齒茯苓香野
客偷煎茗山僧惜淨牀三禪不要問孤月在中央

憶四明山泉

施肩吾

愛彼山中石泉水
幽聲夜夜落空裏
至今憶得卧雲時
猶自涓涓在人耳

聽夜泉

劉得仁

靜裏層層石潺湲
到鶴林流迴出幾洞
源遠歷千岑
寒助空山月清兼
此夜心幽人聽達
曙難罷
蘇林吟

和鄭校書夏日遊鄭泉

前人

太虛懸畏景
古木蔽清陰
爰有泉堪挹
閒思日可尋
來

聞鳴滴滴昭竦碧沉沉幾脈成溪壑何人測淺深澄時
無一物分處歷千林淨溉靈根藥涼浮玉翅禽飲疑蠲
宿疾見自失煩襟僧共雲前瀨龍聽月下吟疊光輕
吹動徹底曉霞侵不用頻遊去令君少進心

秋晚日少陵原遊山泉之什 楊 發

喧濁侵肌性未沉每來雲外恣幽尋塵衣更喜秋泉潔
倦跡方依竹洞深暫過偶然應繫分有期終去但勞心
唯憐一夜空山月似許他年伴獨吟

山泉

前人

半空飛下水勢去響如雷靜徹啼猿寺高陵坐客臺耳
同經劔閣身若到天台澗樹吹成凍隣祠觸作灰深中
試柳栗淺處落莓苔半夜重城閉潺湲枕底來

經漢武泉

趙嘏

芙蓉苑裏起清秋漢武泉聲落御溝他日江山映蓬鬢
二年楊柳別漁舟竹間駐馬題詩去物外何人識醉遊
盡把歸心付紅葉晚來隨水向東流

青鳥泉

張喬

抵此沉仙翼瑤池似不遙有聲懸翠壁無勢下丹霄淨
瀨煙霞古寒原草木凋山河幾更變幽咽到唐朝

石門山泉

鄭谷

一脉清冷何所之縈莎漱蘚入僧池雲邊野客窮來處
石上寒猿見落時聚沫遶殘雪在迸流穿樹墮花隨
烟春雨晚聞吟去不復遠尋皇子陂

題東林寺虎跑泉

周繇

勝致通幽感靈泉有虎跑爪擡山脉斷掌托石心拗竹
藹疑相近松陰蓋亦交轉令棲遁者真境愈難拋

野泉

張
蠙

遠出白雲中長年聽不同

一作窮

清聲縈亂石

一作石亂寒色

入長空挂壁聊成雨穿林別起風溫泉非爾類源發在
深宮

高山夜聞泉

曹
松

瀉月聲不斷坐來心益閒無人知落處萬木冷空山遠

憶雲容外幽疑石縫間那辭通曙聽明日度藍關

瀑布

湖口望廬山瀑布

張九齡

萬丈洪泉落迢迢半紫氛奔飛下雜樹灑落出重雲日
照虹蜺似天清風雨聞靈山多秀色空水共氤氲

入廬山仰望瀑布

前人

絕頂有懸泉喧喧出烟杪不知幾時歲但見無昏曉閃
閃青崖落鮮鮮白日皎灑流濕行雲濺沫驚飛鳥雷吼

何噴薄箭馳入窈窕昔聞山下蒙今乃林巒表物情有
詭激坤元曷紛矯默然置此去變化誰能了

翫廬山瀑布

李白

西登香爐峯南見瀑布水挂流三千丈噴壑數十里歛
如飛練來隱若白虹起初驚河漢落

一作銀河落

半灑雲天

裏仰觀勢轉雄壯哉造化功海風吹不斷江月照還空
空中亂溲射左右洗青壁飛珠散輕霞流沫沸穹石而
我樂名山對之心益閒無論漱瓊液還得洗塵顏且諧

宿所好永願辭人間

廬山瀑布

前人

廬山上與星斗連日照香爐生紫烟飛流直下三千尺
疑是銀河落九天

瀑布泉

冷朝陽

潺湲半空裏霜落石房邊風激珠光碎山歌練影偏急
流難起浪迸沫秣如烟自古惟今日淒涼一片泉

廬山瀑布

徐凝

瀑布瀑布千丈直雷奔入海不暫息今古長如白練飛
一條界破青山色

瀑布

章孝標

秋河溢長空天曠萬丈布深雷隱雲壑孤電掛巖樹滄
溟曉噴寒碧落晴盪素非趨下流急勢使不得住

東山瀑布

方干

暹夜看來疑月照平明失却

集作去

被雲迷掛巖遠勢穿

松島落地

集作擊石

殘聲注稻畦素色噴成三伏雪餘波流

作萬年溪若非真宰能開決應向前山雜淤泥

天台瀑布

曹松

萬仞得名云瀑布遠看如織掛天台休疑竇尺難量度
直恐金刀易剪裁噴向林梢成夏雪傾來石上作春雷
欲知便是銀河水墮落人間合却迴

廬山瀑布

裴說

靜景憑高望光分翠嶂開嶮飛千尺雪寒撲一聲雷過
去雲衝斷旁來燒隔迴何當住峯下終歲絕塵埃

雜題

賦得曲澗

劉孝威

澗流急易轉溪水暗難開
近樓俄已失前洲忽蕩迴石
岸生寒蘚沈根漬水苔
菱舟失道去歸鳥迷逕來

嚴陵瀨

任昉

羣峯此峻極參差百里嶂
清淺既連漪激石復奔壯
神物徒有造終然莫能狀

夕逗繁昌浦

劉孝綽

日入江風靜安波似未流崖迴知舳轉纜解覺船浮暮
煙生遠渚夕鳥赴前洲隔山聞戍鼓傍浦喧棹謳疑是
辰陽宿於此逗孤舟

晚出新亭

陰 鏗

大江一浩蕩離悲足幾重潮落猶如蓋雲昏不作峯遠
戍惟聞鼓寒山但見松九十方稱半歸途詎有蹤

詠浮漚

已見一百五十五卷

鄭 縉

進船泛洛水

薛慎感

禁園紆睿覽仙棹叶時遊
洛北風花樹江南彩畫舟
芳生蘭蕙草春入鳳凰樓
興盡離宮暮烟光起夕流

泛前陂

王維

秋空自明

一作明月

迴况復遠人寰

集作間

暢以沙際鶴蕪之

雲外山澄波

集作陂

澹將夕清月皓方閒
此夜任孤棹夷

猶殊未還

牛渚磯

李白

絕壁臨巨川連峯勢相向
亂石流湫間迴波自成浪
但

驚羣木秀莫測精靈狀更聽猿夜啼憂心醉江上

尋龍湫

孫逖

仙穴尋遺迹輕舟愛水鄉溪流一曲盡山路九峯長漁父歌金洞江妃舞翠房遙憐葛仙宅真氣共微茫

石頭瀨

崔國輔

悵矣秋風時余臨石頭瀨因高見遠境望盡此州內羽山一點青海岸雜花碎離離樹木少淼淼湖波大日暮千里帆南飛落天外須臾遂入夜埜色有微靄尋遠路

已窮遺榮事多昧一身猶未理安得濟時代且泛朝夕
潮荷衣蕙為帶

宿范浦

前人

月暗潮又落西陵渡暫停村煙和海霧舟火亂江星路
轉定山遠塘連范浦橫鷗夷近何去空山臨滄溟

泊楊子津

祖詠

纔入維揚郡鄉山此地遥林殘初霽雨風退欲歸潮江
火明沙岸雲帆礙浦橋客衣今正薄寒夜昨來饒

橫龍渡

劉長卿

空傳古岸下曾見蛟龍去
秋水晚沈沈猶疑在深處
亂聲沙上石倒影雲中樹
獨繫扁舟樵人往來渡

與鄧縣郡官泛漢陂

集作與鄧縣
羣官泛漢陂

岑參

萬頃浸天色千尋窮地根
舟移城入樹岸潤水浮村
聞鷺驚簫管潛蛇傍酒樽
暝來呼小吏列火儼歸軒

西陵渡寄一公

皇甫冉

西陵遇潮處自古是通津終日空江上雲山若待人汀
洲寒事早魚鳥興情新回望山陰路吾心有所親

酬皇甫冉西陵渡見寄

釋靈一

西陵潮信滿島嶼入中流越客依風水相思南渡頭寒
光生極浦暮雪映滄洲何事揚帆去空驚江上鷗

游元象泊

釋泚

空水潮色淨澹然湖上心舳艫輕且進汀洲如可尋秋
風洄泝險落日波濤深寂寞武侯去中流方至今

泊揚子津

盧綸

山影南徐暮，千帆入古津。
魚驚出浦火，月照渡江人。
清鏡悲雙鬢，滄波寄一身。
空憐芳草色，長接故園春。

滁州西澗

韋應物

獨憐幽草澗邊生，上有黃鸝深樹鳴。
春潮帶雨晚來急，野渡無人舟自橫。

淮上秋夜

劉方平

旅夢何時盡，征途望每賒。
晚秋淮水上新月，楚人家猿

嘯空山近鴻飛極浦斜
明朝南岸去定折桂枝花

早發壽安次承濟

集作永壽渡

許渾

東西車馬塵鞞洛與咸
秦山月夜行客水烟朝渡人樹
涼風浩浩沙淺石磷磷
會待功名就扁舟寄此身

長洲

趙嘏

扁舟殊不繫浩蕩路纔分
范蠡湖中樹吳王苑外雲
悲心人望月獨夜鴈離羣
明發還驅馬關中見日曛

夜入湘中

馬戴

洞庭人夜到孤棹入湘中
露洗寒山遍波搖楚月空
密林飛暗狖廣澤發鳴鴻
行抵揚帆者江分又不同

漢陂

鄭谷

昔事東流共不回
春深獨向漢陂來
山前別業依稀在
雨裏梨花寂寞開
却展魚絲無野艇
舊題詩句沒蒼苔
潸然回顧難消遣
祇有佯狂泥酒盃

秋浦

羅隱

晴川倚落暉
極目思依依
野色寒來淺
人家亂後稀
久

遊身不達多病意常遠還有漁船在時時夢裏歸

曲江

曲江早秋

白居易

秋波紅蓼水夕照青蕪岸獨信馬蹄行曲江池四畔早
涼晴後至殘暑暝來散方喜炎燠銷復嗟時節換我年
三十六冉冉昏復旦人壽七十稀七十新過半且當對
酒笑勿起臨風歎

曲江

前人

細草岸西東酒旗搖水風樓臺在花杪鷗鷺下煙中翠
幄晴相接芳洲夜暫空何人賞秋景興與此時同

曲江春

張喬

尋春與送春多遶曲江濱一片鳧鷖水千秋輦轂塵岸
涼隨衆木波影逐遊人自是遊人老年年管吹新

春遊曲江

喻坦之

誤入杏花塵晴江一看春菰蒲雖似越骨肉且非秦曲
岸藏翹鷺垂楊拂躍鱗徒憐汀草色未是醉眠人

曲江春感

羅隱

江頭日暖花又開
江東行客心悠哉
高陽酒徒半凋落
終南山色空崔嵬
聖代也知無棄物
侯門未必用非才
一船明月一竿竹
家住五湖歸去來

昆明池

和靈法師遊昆明池二首
庾信

遊客重相懽
連鑣出上蘭
值泉傾蓋飲
逢花駐馬看
平湖泛玉舫
高堰歇金鞍
半道聞荷氣
中流覺水寒

二

秋光麗晚天鷓舸泛中川
密菱障浴鳥高荷沒釣船
碎珠縈斷菊殘絲繞折蓮
落花催斗酒栖鳥送一絃

和春日晚景宴昆明池

前人

餘春足光景趙李舊經過
上林柳腰細新豐酒徑多
小船行釣鯉新盤待摘荷
蘭臯徒稅駕何處有凌波

秋日遊昆明池

江總

靈類聚作玄沼蕭條望遊人意緒多
終南雲影落渭北雨聲

過蟬噪金堤柳鶯飲石鱗波珠來照似月織處寫成河
此時臨水歎非復採蓮歌

同前

薛道衡

灞陵因靜退靈池暫徘徊新船木蘭檝舊宇豫章材荷
心宜露泣竹徑重風來魚潛疑刻石沙暗似沉灰琴逢
鶴欲舞酒遇菊花開羈心與秋興陶然寄一杯

賦昆明池一物得織女石 虞茂

隔河圖列宿清漢象昭回支機就鯨石拂鏡取池灰船

疑海槎渡珠似客星來所恨雙蛾歛逢秋遂不開

秋遊昆明池

元行恭

旅客傷羈遠樽酒慰登臨池鯨隱舊石岸菊聚新金陣
低雲色近行高鴈已

初學記
作影

深歌荷瀉圓露卧柳橫清

陰衣共秋風冷心學古灰沉還似無人處幽蘭入雅琴

和許侍郎遊昆明池

李百藥

神池望北極滄波接遠天儀星似河漢落景類虞泉年
深平館宇道泰偃戈船差池下鳧鴈掩映生雲烟浪花

開已合風文直且連稅馬金堤外橫舟石岸前羽觴傾
綠蟻飛日落紅鮮積水浮深智明珠曜雅篇大鯨方遠
擊沉灰獨未然知君嘯儔侶短翮徒翬翬

和七月七日臨昆明池

任希古

秋風始搖落秋水正澄鮮飛眺牽牛渚激賞鏤鯨川岸
珠淪曉魄池灰歛曙烟泛查分瀉漢儀星別構天雲光
波處動日影浪中懸驚鴻絳蒲弋遊鯉入莊筌萍葉疑
江上菱花似鏡前長林代輕幄細草即芳筵文華開翠

漱筆海控清漣不挹蘭樽聖空仰桂舟仙

昆明池晏坐答王兵部珣三韻見示

蘇頌


畫舸疾如飛遙遙泛夕暉石鯨吹浪隱玉女步塵歸
獨有銜恩處明珠在釣磯

溫湯

浴溫湯

劉逖

驪岫猶懷土新豐尚有家神井堪消疹溫泉足蕩邪紫



文苑英華卷一百六十四